

## Yeshua un Israelita; meresé nos Alabansa!!!

Prinsipio di **Sabiduria** ta: karga **Rèspèt** pa **SEÑOR**; tur **esnan** ku hasi esei **tin Sano Huisio**. **Alabansa di Dios** lo n' kaba **nunka**. (**Salmo 111:10**). **SEÑOR** ta **Grandi, Digno di Alabansa**, ningun **hende no** por **midi Su Grandesa** (**Salmo 145:3**). Tur **Bo Obranan, SEÑOR, ta Elogiá Bo**, i tur **Bo Fielnan** lo duna **Bo Alabansa**. (**Salmo 145:10**). Tur loke **tin Bida i Rosea** duna **Alabansa na SEÑOR! Alabá sea SEÑOR!** (**Salmo 150:6**).

## Yeshua un Israelita; meresé nos Alabansa!!!

Na **Hebreo** tin diferente **palabra pa Alabansa**. Un di nan ta **“Halal”** ku ta e **palabra rais di unda e palabra “Halleluyah”** ta bini. **Halleluyah** ta un **ekspreshon di Gratitut i Adorashon na Dios Tata**. Un otro **palabra pa Alabansa** na **Hebreo** ta **“Zamar”** ku ta **nifiká; Kanta, Alabá, Gaba i Elogiá Dios Tata**. Un otro **palabra pa Alabansa** na **Hebreo** ta **“Barak”** ku ta **nifiká baha hinka rudia, pa Bendishoná Dios Tata** komo un **akto di Adorashon, pa Saludá**. Asina aki tin diferente otro **palabra mas pa Alabansa**. **Alabansa** tin hopi di haber kon **abo ta Stima, Sirbi i Sigi e Enseñansa!!!**

## Yeshua un Israelita; meresé nos Alabansa!!!

**Awor aki den 2021 abo** por ta **puntra abo** mes kon e **Alabansa** aki por bira **visibel** den **abo su Bida? E visibilidad di Alabansa** den **abo su Bida** ta bini dor di **Stima, Sirbi i Sigi e Enseñansa di Yeshua; Esun Ungi**.

Kon **abo** por hasi **visibel**, es ta **mustra**, ku **abo ta Stima e Enseñansa?** Dor ku **abo no ta pensa, imaginá, konsiderá, suponé òf kere** ku **Yeshua; Esun Ungi** a bin **pa pone un fin, kambia, anulá, desmentí, abolí òf kita outoridat** for di e **Enseñansa di e Lei i di e Profetanan**. Al kontrario **abo sa i ta komprondé** ku **Yeshua** a bin **pa Ratifiká, Renová, Reformá i Restorá e Nifikashon Berdadero** di e **Lei i e Profetanan**. (**Mateo 5:17**).

Kon **abo** por hasi **visibel**, es ta **mustra**, ku **abo ta Sirbi e Enseñansa?** Dor ku **abo no** tin nada di haber ku **hòrtamentu, robamentu, atrako, matamentu, gañamentu òf ta destruí Bida** di un otro **yu di Dios**. Pasobra **Yeshua; Esun Ungi** a bin na **tera** pa duna **abo Bida**, un **Bida** yen di **Abundansia**. (**Juan 10:10**).

Kon **abo** por hasi **visibel**, es ta **mustra**, ku **abo ta Sigi e Enseñansa?** Dor ku **abo di Bèrdat ta skucha i proklama** ku **abo ta Stima Señor, abo su Dios, di henter abo su Kurason, ku henter abo su Alma, ku henter abo su Mente** i ku **tur abo su Forsa**. Meskos **abo ta Stima abo su Próhimo** manera **abo ta Stima abo** mes. (**Marko 12:29-31**).

## Yeshua un Israelita; meresé nos Alabansa!!!

**Alabá sea SEÑOR, Halleluyah, ku Su Alabansa** lo **no kita** fo'i **abo su boka nunka**. Keda **semper Stima, Sirbi i Sigi e Enseñansa di Yeshua; Esun Ungi**.

9 mei 2021

Sea **Bendishoná** ku e **Amor di Dios Tata; Yeshua Mesias**  
Un Fiel Sirbidó di Dios,  
Remsly L Riley.